



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

05.07.2022

153-tm-son

### **Talabalar safidan chetlashtirish to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan. Universitetda yuqori malakali va halol yuridik kadrlarni tayyorlash uchun halollik talablariga qat'iy rioya qilish tizimi yaratilgan.

Shunga qaramasdan ayrim talabalar tomonidan universitet Akademik halollik talablari hamda Odob-axloq kodeksi qoidalarini buzish holatlari kuzatilmoqda. Xususan, 2021/2022 o'quv yili bahorgi semestrida 2-kurs talabarlari tomonidan maxsus jihozlangan auditoriyalarida elektron ta'lim platformasi orqali kompyuterda o'tkaziladigan yakuniy nazorat yozma ishlarini topshirish jadvaliga muvofiq joriy yil 9-iyun kuni Xalqaro ommaviy huquq fani bo'yicha yakuniy nazorat imtihoniga Xalqaro huquq va qiyosiy huquqshunoslik fakulteti 2-kurs talabasi Sharmetov Muqimboy Tusmatovichning o'rniga Xalqaro huquq va qiyosiy huquqshunoslik fakulteti 3-kurs talabasi Baxtiyorov Shoxrux Zohid o'g'li kirganligi hamda yakuniy nazorat yozma ishlarini topshirish jadvaliga muvofiq joriy yil 10-iyun kuni Mehnat huquqi fani bo'yicha yakuniy nazorat imtihoniga Xalqaro huquq va qiyosiy huquqshunoslik fakulteti 3-kurs talabasi Usmanov Normamat Ixtiyor o'g'lining o'rniga Xalqaro huquq va qiyosiy huquqshunoslik fakulteti 3-kurs talabasi Tuyev Imomali Ma'mur o'g'li kirganligi aniqlandi. Mazkur holat talabalarning pushaymonlik bilan tan olib yozgan tushuntirishlarida ham tasdiqlangan.

Yuqoridagi harakatlari bilan talabalar Sh.Baxtiyorov, M.Sharmetov, N.Usmanov va I.Tuyevlar universitet "Akademik halollik talablari"ning 21-bandi (shaxs sifatida namoyon qilish – imtihonlar, test sinovlari, laboratoriya ishlari yoki boshqa topshiriqlar paytida akademik imtiyozlarni qo'lga kiritish uchun o'zini boshqa shaxs sifatida namoyon qilish yoki o'z o'rniga boshqa shaxslarni kiritish), 38-bandi (mazkur Talablarning 21-bandida nazarda tutilgan

akademik nohalollik (qoidabuzarlik)ka yo‘l qo‘yish – talabalar safidan chetlashtirish uchun asos bo‘lishi) talablari hamda universitet Odob-axloq kodeksining 8-moddasi (Universitet xodim, talaba va doktorantlari o‘z xizmat va o‘qish faoliyatlarini amalga oshirishda adolatli, halol va xolis bo‘lishlari), 10-moddasi (xodim, talaba va doktorantlar korrupsiyaga qarshi kurashishlari va uning profilaktikasiga faol ko‘maklashishlari, shuningdek, Universitet korrupsiyaga qarshi kurashish Dasturi va Toshkent davlat yuridik Universiteti xodim, talaba, o‘quvchi va doktorantlari tomonidan korrupsiyaviy huquqbuzarliklar sodir etishga og‘dirish maqsadida murojaat qilish holatlari haqida xabardor qilish to‘g‘risida Nizom talablarini so‘zsiz bajarishlari, o‘z faoliyatlarini oshkora va adolatli amalga oshirishlari, yuqori axloqiy qadriyatlar va prinsiplarga sodiq qolgan holda qonun ustuvorligiga qat’iy rioya etishlari shart), 26-moddasi (Xodim, talaba va doktorantlar: qonun hujjatlari va mazkur Kodeks talablariga rioya etishga; doimo yuksaklikka intilish, halollik va adolat bilan hayot kechirish kabi olijanob fazilatlarini chuqur anglashga; odob-axloqqa oid milliy an’analarimiz, urf-odat va qadriyatlarimizni hurmat qilishga; o‘z ustilarida doimiy ravishda ishlash va qabul qilinayotgan qonun hujjatlarini muntazam ravishda o‘rganib borishga; o‘z vazifalarini vijdonan, professional darajada amalga oshirishga; shaxsiy foydasi hamda o‘zgalar manfaatini ko‘zlab o‘z mavqeini suiiste’mol qilmaslikka), 27-moddasida (talabalar yozma ishlarni himoya qilish va reyting nazoratiga doir tartib-qoidani bajarish vaqtida chetdan yordam olmaslik, o‘zgalarga yordam ko‘rsatmaslik; boshqa shaxslar tomonidan tayyorlangan topshiriqlar yoki yozma ishlarni o‘z nomidan topshirmaslik) keltirilgan qoidalarini qo‘pol ravishda buzgan.

O‘zbekiston Respublikasi Vazirlar Mahkamasining 2017-yil 20-iyundagi 393-son qarori bilan tasdiqlangan Oliy ta’lim muassasalari talabalari o‘qishini ko‘chirish, qayta tiklash va o‘qishdan chetlashtirish tartibi to‘g‘risidagi nizomning 36-bandining "g"-kichik bandi, O‘zbekiston Respublikasi Vazirlar Mahkamasining 2021-yil 10-iyundagi “O‘zbekiston Respublikasi adliya vazirligi tizimidagi ta’lim muassasalarida kredit-modul tizimini joriy etish chora-tadbirlari to‘g‘risida”gi 359-son qarori bilan tasdiqlangan Toshkent davlat yuridik universitetida ta’limning kredit-modul tizimida o‘quv jarayonini tashkil etish tartibi to‘g‘risidagi nizomning 43-bandining to‘rtinchi xatboshisi, Oliy ta’lim to‘g‘risidagi nizom (ro‘yxat raqami 1222, 2003-yil 22-fevral) 51-bandi, Toshkent davlat yuridik universitetining “Akademik halollik talablari”ning 21, 38-bandlari, Odob-axloq kodeksining 8,10,26, 27-moddalari hamda universitetning Ichki tartib qoidalari (ichki mehnat tartibi qoidalari) 83-bandiga asosan, shunidek 2022-yil 23-iyundagi Toshkent davlat yuridik universiteti Odob-axloq komissiyasi yig‘ilishining 13-son bayoni va 2022-yil 24-iyundagi Toshkent davlat yuridik universiteti O‘quv-uslubiy kengashining 4-son majlis bayonnomasi xulosalariga muvofiq

BUYURAMAN

1. Xalqaro huquq va qiyosiy huquqshunoslik fakultetida davlat granti asosida tahsil oluvchi 3-kurs talabasi Baxtiyorov Shoxrux Zohid o'g'li va Xalqaro huquq va qiyosiy huquqshunoslik fakultetida to'lov kontrakt asosida tahsil oluvchi 2-kurs talabasi Sharmetov Mukumboy Tusmatovich talabalar safidan chetlashtirilsin.

2. Xalqaro huquq va qiyosiy huquqshunoslik fakultetida to'lov kontrakt asosida tahsil oluvchi 3-kurs talabasi Tuyev Imomali Ma'mur o'g'li va Xalqaro huquq va qiyosiy huquqshunoslik fakultetida to'lov kontrakt asosida tahsil oluvchi 3-kurs talabasi Usmanov Normamat Ixtiyor o'g'li talabalar safidan chetlashtirilsin.

3. Ma'naviyat va ma'rifat markazi fakultet dekanlari bilan birgalikda mazkur buyruq mazmun-mohiyatini talabalar e'tiboriga yetkazilishi va har bir akademik guruhda keng muhokama qilinishini tashkillashtirsin.

4. Xalqaro huquq va qiyosiy huquqshunoslik fakulteti dekani (D.Umarxanova) mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

5. Mazkur buyruq ijrosini nazorat qilishni o'z zimnamda qoldiraman.

**Rektor**



**A.TASHKULOV**

Toshkent shahar

### **Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA



### **Kelishildi:**

Direktor

SH.PO'LOTOV



O'quv ishlari bo'yicha prorektor -  
TDYuU qoshidagi akademik litsey  
direktori

I.RUSTAMBEKOV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Bosh buxgalter

M.PARPIYEV



Moliya-iqtisod ishlar bo'yicha  
prorektor

A.IMINOV



Katta yuriskonsult

E.XOSILOV



Boshqarma boshlig'i

S.BOZAROV

